

Opuscula

Opuscula

ANALOGIA

Divinae Sapientiae,

in

DIVINISSIMO

THOMA

AQUINATE

Angelico & Ecclesiae DOCTORE,

Annua Eius Recurrente Festivitate

In Ecclesia Sacri Ordinis PRÆDICATORUM.


Argumento Oratoriô

per

*M. ANTONIUM ZOŁĘDZIOWSKI, Philosophiæ
in Alma Universitate Cracoviensi Doctorem, eius
demq; in Academia Posnaniensi pro tunc Profes-
sorem, Alumnatus Szoltdrsciâni Præfectum*

DEMONSTRATA.

Annô Incarnatæ Divinae Sapientiae 1738.



POSNANIÆ

Typis Academicis.

Lætetur itaq; Mater Ecclesia, exultet Italia, Parens
Campania jucundetur, Prædicatorum Sacer Ordo
jubilet, Doctorum turba complaudat, nam dedit DE-
US cor, ad præcepta, & legem vitæ & disciplinæ, &
Sapientia humilitati exaltavit Cápud Illius. In me-
dio Ecclesiæ aperuit os Ejus, & implevit eum Domi-
nus Spiritu Sapientiæ & intellectûs, stolâ, gloriæ in-
duit Eum. *Bulla Canonizationis S. Thomæ Aquinatis*
§. 19.

Omnipotentis DEI Providentiâ factum est: ut An-
gelici Doctoris vî & veritate doctrinæ, multæ quæ
deinceps exortæ sunt Hæreses convulsæ & convictæ
dissiparêtur, & ejus meritîs Orbis terrarum à pestiferis
erroribus liberaretur. *Pius V. Const. 36. Mirabilis*
DEVS est &c. §. 2.

Est Doctrinâ Divi THOMÆ ex Abyssu Salutaris
Sapientiæ hausta, adeo profunda: ut doctissimus quisq;
& summô ingenio præditus ad intima eius pervenire
cupiens, videat sibi immensum quoddam pelagus
subtilitatis sibi restare, quò conari possit. *Cajetanus.*

Unum quodq; Doctoris Angelici Verbum fals-
um est: non tantum hominis legentis vel audientis cor
purgans, sed totam à spinis Hæresum repurgans Ec-
clesiam. *Antonius de Escobar in sermone de S. Thomæ*
Aquinate.

DOCTORI

Angelico,

Sequacium suorum

CUSTODI ANGELO,

D. THOMÆ

AQUINATI,

DEDICATORIA.



Mbram Soli, guttam A-
byssō, athorum Olym-
po adijcio, dum pusillā
hanc Panegyrim Tibi
offero, DOCTOR
SANCTISSIME. Ut

enim Te Doctorum SOLEM, Uirtutis &
Sapientiae ABYSSUM, supra quam Fun-
datur Ecclesia, MONTEM esse, nemo am-
bigit: ita Opusculum hoc sine Lumine Ora-

to.

torio umbram, sine Fontibus Rhetoricis stil-
lam, & in exilitate sua propè athorum esse
quīs non videt? Et hoc tamen munus exi-
guum accipe in grande pietatis meæ erga
Te PRÆCEPTOREM monumentum,
Quo DOCTORE & DUCTORE ter
me Æquori Philosophico ad Warham com-
misi, & ter in portu fortunatus steti, cum
Philadelpha, Subtili, Resoluta, Libera Scho-
la certavi, & palmam, si quam retuli, Tibi
semper detuleram. Nec deferre unquam
desinam, Tu Angelicō Discipulorum Tuo-
rum minimum fove Patrociniō: quod imploro

Authōr Opusculi.



ORATIO.

Quinquennium est, ex quo à laudibus THO.
MÆ vacavi Philosophus, hodie tandem eas
in forma Oratoria reassumo. AA. Moram
exprobratis! absit, sæcula poscit quercus ut crescat, de-
cennium elephas ut pariat, lustra Oratores, ut quidquam
in laudes Doctoris Angelici, & Doctorum Custodis
Angeli moliantur. Cunctandum diu est, quomodo enim
incidere in Abyssum THOMAM? nec sorberi, inten-
dere in Solem Thomisticum mentis oculos? nec lippire,
hic labor, hic opus! Comittere se Isthmo vel Propontidi,
ausus facilis, sed immensum gloriæ Aquinaticæ Equor,
donec metiri audeas, cunctandum diu est. Sicubi? hic,
hic temeritati proxima celeritas, nisi fatiscere velis,
exemplò Solem Thomisticum motibus ingenii inse-
quere, nisi fulguris more extingui, in puncto Eloquen-
tiæ accende Sidera. Fabium ego pro laudibus THO.
MÆ

MÆ Oratorem velim, aliàs festinus Laudator non festivus erit, celer sed levis. Quòd si enim parùm in laudibus THOMÆ decocta proficiunt ingenia, quid? si præpora eas attentet dictio? triginta annis circa stupendum illud Caput magno nisu *Magnus* laboraverat *Albertus*, & nisi unicum salve THOMÆ dixerat; quantum tempus petit? qui fufius de THOMA velit dicere. Plures effluxere anni priusquàm fatidicæ in Dodona Querci non dico loquebantur, sed saltèm muſſitabant, vix non tot effluere neceſſè, antequàm non dicere laudes THOMÆ audeas, ſed ad maximum balbutire. Eapropter tardum in laudibus THOMÆ egi Mobile AA. & metiri enim vires ſuas placuit interea, & THOMÆ magnitudo conſquè deterrebat ab opere. Vicit tamen timorem audacia, & remoram debita THOMÆ vicit obligatio. Fontem hunc haurio Philoſophus, eſtò flores deſint, non licet etiam ſpinis verborum, non coronatum dimittere Sole hoc vivo Thomiſta, tametſi non Rhodium, tametſi magnitudini THOMÆ imparem, quântum tamen poſſibilitas obtinet, erigere illi Rhodenſium more gloriæ Coloſſum expedit. Strepunt oriente Sole cicadæ, quia cum argutioribus luſcinijs æquè modulari non poſſunt, clangunt anſeres, ad paritatem olorum canere cùm nequeant, fixum etiam in Pectore Aquinatico Solem pro modulo neceſſè eſt adorare. Si Numen Theologorum Philoſophorumque *Aquinas* eſt, eſtò grandem ad Aras Ejus lampada accendiſſe, non opis eſt noſtræ, faculam licebit appendere. Si ſidera tangit vertice, dum Solem tenet pectore, placebit ſerpere ad plantas pumillæ dictioni, & lambere THOMÆ veſtigia, cùm totus Oratoris ingenium exceſſerit. Nec pudet diutiùs, ſi non laboraſſe in THOMÆ Laudibus, ſed saltèm diu eas cogitaſſe, & nihil dignum

Majc.

Majestate THOMÆ loqui, quamvis enim cogitationem excedit Subtilissimus quia incorporearum Intelligentiarum Doctor *Aquinas*, quâvis ingenij profunditate altior *Abyssus*. Transcendisse Creatæ limites Sapientiæ nuper eum probaveram, nunc cum alium titulum excogitare non potui, ex Creatæ Sapientiæ *Transcendentia* Divinæ *Analogiam* in THOMA inferam. Ex principiis Tuis hæc illatio est Doctor Angelice, fave ut Tuæ, sub gratiæ Tuæ Præsentia, eam ut rectam minimus Tuorum defendam Discipulus. Concessistis nuper Antecedens AA. nullus se Vestrum contra *Transcendentiam* THOMÆ opposuit, si qui extra Scholam Angelicam negatis Consequentiam, brevem Vestrum patientiam Orator poscit, donec probet.

INter tot rerum species & formas, nulla DEO suo Archetypo est similis AA. Ad admirationem formosas, ad stuporem venustas rerum Imagines Cælestis pinxit Apelles, unaquæque tamen illi comparata exemplari, nec umbra est, vel vestigium. Quantum Calpe ab Abyla, quantum atomus à Sole, quantum gutta ab Oceano, tantum res creatæ à DEO distant, imò quantum nihil ab aliquo tantum rerum creatarum Summæ ab Immenso. Punctum respectu Divinæ infinitatis non adæquant, pugillum respectu Omnipotentiae, jota unicum, vel apicem respectu Sapientiæ. Homo solum ipse os humerósque DEO similis, & vivum Divinitatis simulacrum, quantò minus ab Angelis minoratus, tantò magis ad Divinitatem accedit. Fateor quo ad luteam molem, corporis multum à Divinitate elongatus, sed Spiritus Divinæ est particula Auræ, & pars melior. Luteo hoc carcere arcetur minimè, ex hac parte infinitus quòd
A 2 men-

mente attingat omnia. Divinum quid proinde sapit Spiritus Deiformis in Nobis omnibus, in THOMA tamen quasi per excellentiam vel totus Divinus est, vel ex majori parte DEO *Analogus*. Parem utrobi- que attendite rationem AA. Novit omnia DEUS, & THOMAS, capit omnia, & THOMAS, *Judicia DEI abyssus multa*, & THOMAS. Quodsi Divina Sapien- tia quanquam Immensa Matris se in tempore inclusit in visceribus; THOMAS eam Matrem Pusio sua in- cludit in viscera, quæ DEUM caperat. Dicite quod cum gratiæ disordinavit THOMAS ordinem, & illam quæ ex ore processit Salutationem Angelicam Infans ore absumpsit, rivus Mare absorpserit, & Solem radius! Rivus esse non poterat, si tam vasti pectoris erat *Aqui- nas*, ut eam caperet quæ Cælis major quod DEUM caperit. Radius esse nequibat, si amictam Sole & duo- decem Stellis Caput coronatam tanquam minorem bo- lum deglutijt Sol futurus Theologum. Et quidem fa- cilè; tota se enim Cælestis Sapientiæ plenitudo Menti THOMÆ in *plena gratia* infuderat, sese etiam incor- porasse THOMÆ audacter asseruerim; postquam ille eam deglutijt, ea in substantiam aliti transierat. In fascijs tunc erat THOMAS, sed Laureis dignus & Fa- scibus Literatis Doctor Pusio, & Scientiarum Univer- sitas cum Sedem Sapientiæ ad Cor MARIAM admise- rat, quia tamen per ætatem Laureis Angelicum coro- nare non licuit, Rosæ *Benedicti* ei cedunt in adorem. Quinquennis Cassinatibus erudiendus Puer traditur, ut acrius olim Hæreses puncturus Theologus acumina Benedictinis auspicaretur è vepribus, vel Incarnatæ omninò persimilem se se monstraret Sapientiæ. Vi- dere illam erat duodennem cum Doctoribus disputan- tem ex Cathedra, videre THOMAM quinquennem quid est DEUS? quæsiisse ex Doctoribus & in eo ex- plorasse

plorasse Doctorum sensum, quod sibi tandem aliquan-
do concludendum restabat. Videre illam erat scire
omnia & nihil didicisse, THOMAS etiam sine Tyro-
cinio veteranus, sine Palæstra Doctor, Dux sine Pro-
dromo, sine fonte Flumen, stupori erat Cassinatib9. Si-
nè manè etiam visus habere meridiem, Neapolim ceu
in novum Polum translatus *Aquinas* tametsi in aurora,
ubi Illustres Aquinatum Ceras Umbris Religiosis intu-
lerat. Et geminasse meridiem inde dixerim, quod
Cognatos Serenissimis Siciliæ & Arragoniæ Fascibus
Domus Aquinaticæ Splendores, Dominici conjunxit
Sideri, mirabaturque Orbis, quod ejusmodi Siderum
intercesserit conjunctio. Non fuit tamen stuporis mate-
ria, etenim Sol Doctorum post Augustinum THO-
MAS ejusmodi Auroram sequi debuit, tantus THO-
MAS ut Solem gerat pectore, illius Parentis decebat
ut esset Filius, cujus Frontis, Stella quantumvis Or-
be major, nec partem capit. Erat nihilominus quod
doleret Mater, occidisse in THOMA Domus Aqu-
naticæ splendores rata, perijsse lumen oculorum, nisi
Mater non esset, abstinere potuisset à lachrymis. Non
succenseo ego justis *Theodora* fletibus, sed quamdiu
intra honesti erant limites, Mater erat non Noverca,
Mulier non Rhodope, vel Caucasus, flere licuit, illacry-
mari ei licuit. Verumtamen postquam dolor in furo-
rem versus, bilem effundere cepit cum lachrymis; in-
dignam, repeto indignam, Matris titulò pronuntio.
Gemit amissa prole & palumbes, flet recisa fronde &
balsamum, lachrymatur & vitis, dolet suos Catulos
& Læna, sed conspirare in necem, cooperari ad pro-
lis interitum nihil legimus. Medea an quisquam ob-
jicis, una est quæ vitam filio dedit, & accepit, altera
ne primatum in crudelitate priori cessisset; vitam
THOMÆ eripere *Theodora* attentavit. Transeat
B quod

quòd per Fratricidas , (erravit quidem lingua; nam
Fratres dixisse debuerat, nisi ob sevitiam in THO-
MAM id Nomen mererentur) ausa quantum amor in
furorem versus potest, quantumvis ad internecionem
non deventum, Medæa peior, quòd occidisse THO-
MAM in Anima, quæ immortalis est, præsumpserit.
Ligatum THOMAM arctavit in *Joannis Castro* carce-
re, ut in nefas, proh dolor! in nefas, ô scelus! lapide-
scunt in ore verba! dissolveret. Cypridem è Papho
evocavit, ut quia nil Aquæ (Fratres & Sorores in-
telligo) in *Aquinatem* germanum profecerunt, illa
quæ medijs etiam ardet in undis, quantum posse
suum auderet in Angelicum. Et tentatum id, sed non
successit eventus, è spuma Maris natam non est in
aquis suis *Aquinas* passus, quæ ad Cypridis æstus, vel
glaciæ erant vel Mare mortuum. Illæsum ergo
Aquinaticum pudorem actis THOMÆ probo *Ca-
strensibus*; Lupa illa fucus melleæ Angelici Virtutis
erat, arrepto torre fumo abegit fucum, cæcus Cu-
pido erat, flammis cæco iter monstravit ad bara-
trum, & quia sacrilego amore arserat, ad rogam sa-
crilegium damnaverat. Vulcano Venerem trium-
phavit & cæcidit, cum qua nemo ita luctatus quin
prius caderet, vicit Cupidinem, cui & semideos He-
roas non novum vincere. Nec miror! facile quippe
fuit vicisse THOMÆ Venerem, cui contra carnis sti-
mulos spinas olim acuerat *Benedictus*, ignibus ejus ar-
dere non poterat, vel quia non de furiali Bœtiæ la-
cu *Aquinas* erat qui accendit libidinem; vel non de
Epyri fonte, qui extinctas etiam accendit faces. Alia
placet ratio; nec incaluisse quidem ad æstus Cyprios
THOMAS potuit, quod cum Sole adustus in Pecto-
re; integro *Gratiarum Mari* sitim nuper extinxerit,
etiam peccati extinxit fomitem. Labi quoquè non
pote-

poterat quòd fluxum Aquarum ingenium cum sanguine exuerit. Prævaluit igitur *Aquinas* facilè contra ignem, fugisse ex carcere quicquam objicit? sit sanè, citra ignominiam THOMÆ fuga est, Doctorem eum Gentium fore monstraverat; quòd Se per fenestram demiserit, tametsi non in sporta. Angelicus etiam *Aquinatis* pudor per fenestras debuerat descendisse, cum postes, indigni quibûs egrederetur erant, quos impudica Mulier temeraverat per ingressum. Maturasse quoquè Victor THOMAS triumphos debuit, igitur Parisios per fenestram properavit. Ubi vix pedem fixit, Innocentiæ Assertorem Parisiorum Lilia coronârunt pro Laureis, dedit acclamationes inanime *Alberti* Caput, & ut ulmus olim Apolonio THOMÆ nostro salve dixit. Obmutuisse illud statim miraris, magnitudine THOMÆ percussam, & impari tanto Hospiti confusum Eloquentiâ, flere debuit. Non pænuit tamen triginta circa illud annis laborasse *Albertum*, esto unicum nisi THOMÆ salve-dixerit, satis enim dixit si THOMAM salutavit. Illum enim THOMAM salutavit, ex cujus Magnitudine *Magnus* cæpit *Albertus* dici, *Magnus* enim Magister dici non poterat; nisi parem habuisset Discipulum, nec parem habere potuisset; nisi incidisset in THOMAM. Parem tamen dixisse non debui, cum supra Magistri Disciplinam erat THOMAS Discipulus, illaque ex eo discebat Magister, quæ docere debuerat. Bovem tamen ex THOMA finxere Condiscipuli, & fabula partem veri habuit, nam, ut olim nascente in terris Divinâ Sapientiâ visus bos ad Præsepe, ita dum THOMAS Doctorem Numen Scholis nasceretur finxisse saltèm Bovem Condiscipulorum livor debuit. *Analogiam* & hinc Divinæ Sapientiæ in THOMA collegisse juvat: Muta


illa præterquam enim semel in æternitate locuta;
THOMAS quoquè ut ut mutum animal esse debuit,
ut ei non esset anomalus hoc in passu. Neque ta-
men in eo solum THOMÆ stat cum Verbo propor-
tio: Scientiam ejus perpendimus, si ad æqualitatem
Divinæ non ascendit, paulò minùs se demittit. To-
ta in Scriptis THOMÆ est; sicut in DEO est integra,
in Scriptis aliorum est *Media*, in Scriptis THOMÆ
integerrima. Divisum etiam inter alios Regnum eru-
ditum, THOMÆ totus se Orbis eruditus torque au-
reo alligavit. Nec immeritò, si quid enim uspiam
eruditum est, hæc *Abyssus* capit, si quid scientificum
Aquinateum Mare tenet, ceu quoddam altum Sapien-
tiæ. Summa THOMÆ universæ Literaturæ est Sum-
marius, collegit in ea quidquid vel sciri potest, vel do-
ceri. In partes eam divisit, unaquæque tamen pars
Summæ Thomisticæ, omni toto alieno major, unus
etiam ejus articulus totum alienum Corpus excedit.
Discis illam, non est quod Beatis inideas, illi in Verbo
vident omnia, qui THOMAM discunt in Summa pal-
pant singula. Dubito utrum fidem habent THO-
MÆ Discipuli? nōrunt ex Summa in via, quod vide-
tur in Patria. Tanta in ea evidentia? nec mirum, ut
enim THOMAS *Didymus* palpando credidit, ita
THOMAS Angelicus palpando scripsit Summam, &
docuit. Excellerat tunc hominem cū illam scribe-
ret, ideò Summa nisi in ea scripsit & optima. Sum-
ma scripsit, parva enim in Summa scripsisse non po-
tuit, optima quoquè scripsisse colligimus ex Censura,
Benè scripsisti de me THOMA. Ut credimus DEI Ver-
bo ea quæ fecerat fuisse valdè bona, ita Verbo Chri-
sti fuisse optima quæ THOMAS scripserat. Amma-
nuensis enim Divinæ THOMAS Sapientiæ malè scri-
psisse non poterat, cū malè illa dictasse nequijt.
Benè


Bèné ergo scripsisse debuit, cùm Æterna dictante scripserat Sapiëntia, unde hoc constat quæritis? inde, quod dixisse tantùm Divinam Sapiëntiam non scripsisse legamus. Dixit illa non scripserat, dictavit THOMÆ ut scriberet, si *Lingua DEL est calamus*, quis? si non THOMÆ calamus est lingua DEL. Bèné ergo scripsit, bèné dixisse singula linguam DEL si creditis, bèné scripsisse THOMÆ calamum necesse est concedatis. Constat id etiam ex præmij optione, *Quam ergo mercedem accipies?* Virtutis enim meritum est præmij electio. Putaretis Vos AA. quòd Comes de Aquino THOMAS Princeps esse velit, vel aquarum more appetet in altum crescere; absit! appensam in Cruce Incarnatam appetit Sapiëntiam, ut inter meritum & mercedem intercederet æqualitas. Magna voluisse THOMAM asseritis, minimè, ex causa magna petijisse debuerat, cùm merita prope haberet infinita; DEUM mercedem voluit, cùm ejus merita hominem excessissent. Tenebatur etiam THOMAS Incarnatam Sapiëntiam expetijisse in præmium, aliàs cùm simile appetat sibi simile, *Analogus* illi non fuisset. Fuisse tamen, si cætera præteream, & illa inter mensæ obsonia *contra Manichæos* probat Conclusio, à Christo post Cænam est *Consummatum*, à THOMA post Convivia *Conclusum*. Funus quoque utriusque probat sibi fuisse *Analogos*, Christi Corpus novo in Sepulchro est conditum, THOMAM *in nova Fossa* quasi renovaretur in vitam meliorem; sepultum novimus. Immortalem tamen post funera vel redivivum cernimus, dum vel unum ex Vobis AA. RR. PP. intuemur. THOMAS ille, Vestrùm plures, Scientiarum *Abyssi*, Doctor Angelicus Ille, Vos Ejus Discipuli, ergo Angeli, & Angelorum si discerent Magistri. Discerent ex Vobis posse quoque in carne vivere Angelicè, &

in Sacra Familia Vestrum illos nasci, qui Angelorum
quoque Doctores sint. Allaborare suis Elogijs vide-
retur Orator dum Vestris; & ipse enim Thomista
est, tacet, esset enim pro Domo sua Orator cum ut
in doctrina THOMÆ, ita etiam in laudibus com-
municare Vobiscum videretur. Exigit quidem lau-
des ampliores obligatio Philadelphica, sed quia id Vo-
bis sufficit ad gloriam, quod Doctoris Angelici sitis
Discipuli, integrum Solem Scholasticum habetis in
THOMÆ pectore & Mare etudicum in *Aquinate*,
à Vestra, & à THOMÆ Panegyri
superfedeo.

D I X I.







22000,-

3.XII.13



Bibliotheca
P.P. Camaldulensium in Bielany

Depozyt w Bibliotece Jagiellońskiej



02350

